

Ny tsy fahamarinana manjaka **2**  
**Mampikorosy firenena toy izao**

Mpitondra ifotony **3**  
**Mampikaikaika vahoaka ny fanararaotam-pahefany**

# NY VALOSOA

Gazety miseho intelo isan-kerinandro (Talata - Alakamisy - Sabotsy) **VAOVAO**

**Kolonely Ratsimandrava** **3**  
**Rain'ny fokonolona sy ny fokontany ary ny fitsinjaram-pahefana**  
www.gvalosoa.com  
gvalosoa@yahoo.com  
facebook : gazety valosoa rakoto

Sabotsy 11 febroary 2023 Laharana 1400 Vidiny : **600 Ar**

**9 novambra 2023 ny fifidianana filoha** **2**  
**“Bye bye” Rajoelina alohan'ny 9 septambra 2023**



**48 taona lasa izay ny 11 febroary 1975** **2**  
**Maty nisy namono ny kolonely Ratsimandrava**



**Fanampian'ny FID** **7**  
**Ireo mahitahita ihany no mahazo ny vatsy-vatsy**



**Baolina kitra sy tokantrano** **6**  
**Tontosa ny fanambadian'i Rakool Barea Chan sy ny vadiny**



**Lalao « jeux video »** **6**  
**Niafara tamin'ny korontana sy savorovoro**

**American Corner vaovao** **6**  
**Mampifandray an'Antananarivo sy Etazonia ary izao tontolo izao**

**Daka kely**  
**Ary toa tsy mba nomenareo bôby ny Barea Chan ry Boaikely a !**



## Ny Valosoa sy hadihady

### Kolonely Ratsimandrava

# Rain'ny fokonolona sy ny fokontany ary ny fitsinjaram-pahefana

Valo ambiefapolo taona amin'ity andro 11 Febroary ity no namonoan'ny fahavalom-pirenena ny filoham-panjakana, ny Kolonely Ratsimandrava Richard. Mbola misitery ny namonoana azy, tsy mbola tena mazava hatramin'izao na efa teny amin'ny biraony tao amin'ny « Patte d'Eléphant » izy no novonoina na tena notifirina ilay GMP, Zimbo, teny Ambohitatoa tokoa. Raha tsiahivina ny tantara dia ny 5 Febroary 1975 no natolotry ny Jeneraly Ramantsoa Gabriel azy ny fahefana feno. "Tsy hiamboho adidy aho, mon Général", hoy izy. Telo taona mahery kely izy no niandraikitra ny Minisiteran'ny Atitany ary namerina ny hasin'ny fokontany izay vondrom-bahoaka itsinjaram-pahefana fototra teo amin'ny fiarahamonina malagasy. Tsiahivina isan-taona ity andro anisan'ny "MAIZINA" indrindra teto amin'ny Firenena ity, satria toa nilatsaham-baratra ny vahoaka Malagasy raha nandre ny namonoana azy. Efa azo lazaina fa nanana ny fahefana sy fizakantena teo amin'ny sehatra ara-toekarena, ara-pitantanana, ara-pahefana ary fanarahamaso ny fandriampahalemana (andrimasom-pokonolona) ny Fokontany. Anisan'ny nanao ireo vondrom-bahoaka itsinjaram-panjakana ireo ny fahefana nanao tetikasa sy programam-pampandrosoana ny nananganana ny "Vatoeka", izay anisan'ny fototra ny fahafahana manatanteraka ireo. Toy ireo vondrom-bahoaka nitsinjaram-pahefana rehetra dia nisy hatrany ny solontenan'ny fanjakana foibe nampy tamin'ny fampandehanan-draharaha dia ny fanaparaham-pahefana (déconcentration). Notohizan'ny Amiraly Ratsiraka Didier behoava voafidy ho filoham-pirenena izy ny vondrom-bahoaka itsinjaram-pahefana izay nisy ny Fokontany, Firaism-pokontany, Fivondronam-pokontany ary ny Faritany. Nisy ny fifidiana mivantana teo anivon'ireo vondrom-bahoaka ireo ary toa nanome fanantenana ny vahoaka tokoa ilay teny filamatra "teny miakatra ifampiferana, teny midina ifampifehezana" kanefa sarotra ihany ny nampifanindry an-dàlana ny "sosialisma" sy ny fitsinjaram-pahefana tena izy. Nopotehina ilay "Vatoeka" ary natsangana ny "koperativa sosialista" ary ny tena nahirana dia natsangan'ny fitondrana Ratsiraka Didier ihany koa ny "Koparema" izay tsy azo lavina fa orinasan'ny antoko politika Arema izay an'ny filoha Repoblika. Tena nampiseho fa fitondrana tsy refesimandidy no nisy tamin'izany, satria dia miaramila no niasa tany amin'ireny toeram-pambolen'ny Koparema ireny. Anisan'ny nanana finiavana namerina ny von-

drom-bahoaka itsinjaram-pahefana ny fitondrana tamin'ny andron'ny Filoha Ravalomanana Marc tamin'ny alàlan'ilay Programam-pirenena momba ny Fitsinjaram-pahefana sy ny Fanaparaham-pahefana (Programme National de Décentralisation et de Déconcentration). Minisitera fito no notsongaina nandratra ny programa: Fanabeazam-pirenena, Vola sy Toekarena, Fambolena sy Fiompihana, Angôvo sy Harena Ankibon'ny Tany, Tontolo Iainana, Atitany ary ny minisiteran'ny Mponina. Ny Pnud sy ny Unicef no namatsy vola ny programa. Azo inoana fa raha nahavita ny fe-potoana hatramin'ny 2012 ny Filoha Ravalomanana Marc dia tafapetraka ny vondrom-bahoaka itsinjaram-pahefana tena izy. Ny Lalàmpanorenana amin'izao Repoblika IV izao moa dia natao dika mitovy tamin'ny tany ivelany dia ny kaominina no rafitra fototra eto amin'ny Firenena. Rehefa tsy mbola voafidim-bahoaka mivantana ny filoham-pokontany, izay "sefo fokontany" ary tendren'ny minisiteran'ny Atitany dia tsy anisan'ny vondrom-bahoaka itsinjaram-pahefana izany fa fanaparaham-pahefana (Service Technique Déconcentré). Amin'izao fotoana izao koa dia toy izany ny Faritra izay raha araka ny Lalàmpanorenana dia fidiana ny Lehiben'ny Faritra kanefa dia tendren'ny fanjakana foibe izy ireny. Iainana'ny vondrom-bahoaka itsinjaram-pahefana ny tsy fanana tetibola fa mirotsaka any amin'ny kitapombolam-panjakana avokoa ny vola miditra rehetra vao tsinjara. Miainga any amin'ny rafitra fototra ny fampandrosoana fa tsy arotsaka avy any ambony, satria tsy mahafantatra izay tena ilain'ny mponina ny any ambony. Iainana izany amin'izao fotoana izao satria ny filohan'ny Repoblika no milaza izay tiany ho tene-nina momba izay fotodrafitra tokony haorina ary tsy misy resaka ny any amin'ny fokontany, fa saika any amin'ny distrika foana no anaovana izany. Tantara sista ny fokontany amin'ny endriny nametrahan'ny Filoham-panjakana Ratsimandrava Richard azy ary tantara efa tsy fantatry ny taranaka aty aoriana intsony ny fisiany kanefa raha notohizana araka ny niverany azy izany vondrom-bahoaka itsinjaram-pahefana izany dia tsy ho toy izao ny fiainan'ny Malagasy. Adidy tsy maintsy raisin'izay te-hitondra ity Firenena ity ny fanomezana hasina sy famerenana ny Vondrom-bahoaka Itsinjaram-pahefana tena izy hisian'ny fampandrosoana miainga avy any ifotony.

*Andry Tsiavalona*

## FIARAHAMONIM-PIRENENA ANDRIAMASO

# Mampikaikaika vahoaka ny fanararaotam-pahefana ataon'ny mpitondra ifotony

Mampitaraina ny vahoaka madinika nandritra ny taona 2022 lasa teo, ny tsindry hazolena ataon'ireo olom-panjakana isantsokajiny : ny Zandary, ny Miramila, ireo manampahafana ifotony... hoy Andriamatoa Andry Raveloson, filoha nasionaly ny vovonana Andriamaso (Fiarahamonim-pirenena miaro ny zon'olombelona sy miady amin'ny tsy fandriampahalemana ). Io no fanehoan-kevitra nison-gadina nandritra ny lanonana fiarahabana tratra ny taona nataon'ny mpikambana ao amin'ity vovonana ity, tetsy amin'ny Fokontany Ankadindramamamy omaly zoma. Nandry fanazavana ity tompon'andraikitra ity, fa miisa 1200 ny fitarainan'ny olona nandalo teo amin'ny Andriamaso nan-



Ireo ao amin'ny fiarahamonim-pirenena Andriamaso.

dritra ny taon-dasa ary voavaha avokoa ny 80 % an'ireo raharaha ireo, noho ny fisian'ny soatoavina Malagasy ao anatatin'izany ny fandalana ny fihavanana. Nandry fanazavana ny filoha nasionaly ny Andriamaso, fa araka ny fidinana ifotony izay nataon'ny birao nasionaly dia ny fahantrana sy ny fiantraikan'ny fanda-

lovan'ny aretina « Covid » no fototra ny olona eto Madagasikara mahatonga ny fifanolanana ary nohon'ny fisian'ny fanararaotam-pahefana ataon'ny olom-panjakana dia mihazakazaka any amin'ireo fikambanana miaro ny zon'olombelona ny vahoaka madinika mitondra ny fitarainany rehefa tsy mahazo ny rariny. Nana-

mafy i Andriamatoa Raveloson Andry, fa hiantso an'ireo olona sahy hiaro ny zon'olombelona sy hiaro ny vahoaka madinika miaraka amin'ny fananany, mba hanatevindaharana an'ity vovonana ity ny mpikambana Andriamaso amin'ity taona 2023 ity, satria noho ny fisian'ny tsindry hazolena ataon'ny olom-panjakana dia misintaka ny tanàn-dehibe ireo vahoaka madinika tsy nahazo ny rariny ary manosika an'ireto farany hanao valifaty amin'ny alalan'ny fanaovana ny asan-dahalo sy sakan-dalana, ka manome vahana ny tsyfindriampahalemana. Nanamafy ny filoha nasionaly ny vovonana Andriamaso, fa tokony homen'ny fitondrampanjakana asa ireo mpitandro filaminana naha-

**facebook** **NY VALOSOJA**  
Gazety misoho intelo isan-korimandro (Talata - Alahaminy - Sabotsy) VAOVAO

### Rajoelina sy ny forongony Nanao sorona olona teny Ambohitsorohitra



**Arphine Rahelisoa Helisoa** : e reto ianareo, fa ilay natao sorona Zao mba nanao ahoana ny fiainany? Indrisy.

**Christian Rabefitiavana**: nanao sorona olona teny Ambohitsorohitra Rajoelina sy ny forongony tamin'ny 7 fev 2009.

**Lalahery Ranaivo** : nampikapeo ilay "sisampaty" fa nahazo toerana ny mpisolelaka, fa ny tena nitolona(hono) natao anjorombala.

**Naly Rakotonjoely** : misy ny tenin'izay Raimandreny be izay hoe ny Mpitolona tsy voatery ho teny An-kianja daholo kanefa dia Mpitolona daholo ireny!

**Rataa Jhonson** : ary hitako ny sasany nanome tso-drano, dia lasa nody.

**Naly Rakotonjoely** : hihihiiii!

**Raobelarivony Andriantsalama Sitrika** : ilay Min-Pop ve MBA isan'ny nitolona t@ ireny?

**Landy Najah Andrianarivelo** : mbola mpanao klipny tam'ireny.

**Randriamamizafy Ignace** : sahirana ny sisa velona ny ra efa maina sy voafafa teo ny maty efa lo any ampasana ny havan'ny maty efa afa-tsaona sy sitrant'ny fanadinoana fa mbola fohazin'ireto indray.

**Fidele Razanapary** : ireo koa ve hiasa saina @ 'izany NY seza EFA azony!

**Tovonana Rasofoharivelo** : oay ireto mpanankarena be daholo... efa tonga any am-bilanin'ny malagasy izao ny vary Ar 1000/1 kapoaka...

**Ranoux Ramaholy** : tena anjely kely daholo reto izy, eo anoloan'ny lapa-panjakana, nefa Tvm t@io efa may.

**El-Dani Rakoto** : voky daholo ireto izy.

**Hassan Mohamed**: voky ny alahelom-bahoaka zareo!

**Aurelie Raveloarisoa** : mila Tonga saina lehiretsy a !

**Lova Rakotonirina** : botrabotra sy bekibo aby izy reto! Kkkk! Botrabotran'ny alahelom-ny nataony sorona.

**Ken Chan Chaou** : tena mahavariana ny fotom-pisainan'ny olona sasany. Fahoriana sy fijaliana ary tena fahantrana mihintsy anefa ny iainantsika sy ny ankabeazan'ny vahoaka.

**Vololona Elisa** : efa miliardera daolo reo ee, n'y Vahoka Mahantra Fadiranovana !

**Josoa Fanomezantsoa** : matimaty foana ny maty tamin'ireny 7 fevrier reny. Nataon'ny sasany foatra fiakarana fotsiny e.

vita fanompoam-pirenena, satria lasa manampy isa an'ireo dahalo ireto farany rehefa tsy mahita fidiram-bola hamelomana ny ankohonany. Tsiahivina fa miisa 30 ireo vondrom-pikambanana izay mandrafitra ny vovonana Andriamaso manerana ny Nosy ary niray feo ireto farany, fa ny tsy fisian'ny fanampiana ara-tsosialy no anisan'ny fototra mampirongatra ny tsy fandriampahalemana, ka tokony ho jeren'ny manampahafana akaiky.

**Franck Razakambelo**

# An-tsary misongadina Ny Valosoa Vaovao

Helisoa, Navalona


Famelabelarana momban'ny resaka tolotr'asa any ivelany, nataon'ny kaominina Ampitatafika Antananarivo Atsimondrano, tao amin'ny villa Ave Maria Ambodiafontsy.



Mijoro ny antoko FIZAZIMA, tafapetraka ao amin'ny ministeran'ny atitany ny fijoroan'ity antoko politika vaovao ity.



Fitokanana ny American Corner vaovao, teny amin'ny Oniversite Ankatso.



VONTOSY FILAZANTSARA NY NOSY MADAGASIKARA



# DIABE

## eto TOAMASINA

Izay karakarain'ny SP 31 FJKM  
TOAMASINA Vavahadin'ny  
Filazantsara sy ny Komitin'ny  
Fankalazana faha 15 taonan'ny  
RADIO FAHAZAVANA

**18** SABOTSY  
Tolakandro  
**FEBROARY** 2023

### Fiaingana I

14H 00  
FJKM ZOARA  
ANKIRIHIRY

### Fiaingana II

14H 00  
FJKM BETELA  
TANAMBAO V

### Fiaingana III

14H 00  
SEKOLY  
DAVID JONES

LA MAIRIE  
15H 00

⇒ TANAMBAO V   ⇒ TANAMAKOA   ⇒ SISIN-  
DRANOMASINA   ⇒ TERRAIN ST JOSEPH BORD

### PODIUM GRATUIT:

- Entanin'ny  
**STK rehetra sy ny SAMPATI**
- Hira Fiderana
  - Fitoriana ny Filazantsara
  - Tsakitsaky isan-karazany

AMERICAN CORNER VAOVAO

# Mampifandray an'Antananarivo sy Etazonia ary izao tontolo izao

Ny American Corner Antananarivo vaovao, izay natsangana eny amin'ny Oniversiten' Antananarivo dia sady hanampy betsaka ireo mpianatra sy ireo sampam-pampianarana ary ny olon-drehetra maniry hanao fikarohana, no hanamafy ny fifandraisana eo amin'Antananarivo sy Etazonia ary izao tontolo izao. Notokanan' ny Ambasadaoro Amerikana Claire Pierangelo, sy ny Filohan'ny Oniversiten' Antananarivo Mamy Ravelomanana omaly, ny American Corner vaovao, eny amin'ny Oniversiten' Antananarivo, izay hanokatra amin'ny fomba ofisialy ny tontolon'ny fikarohana sy ny fampianarana avo lenta ho an'ity Oniversite ity sy ny vahoaka Malagasy.

Ny American Corner Antananarivo dia fiaramiasan'ny Masoivoho Amerikana eto Madagasikara, sy ny Oniversiten' Antananarivo ary ny



Fitokanana ny American Corner vaovao teny Ankatso.

Sampam-pampianarana teny Anglisy ao aminy. Ny vahoaka amerikana, tamin'ny alalan'ny governemanta Amerikana, no niantoka ireo fitaovana mitentina 50000 dolara ao anatin'ny. Ny Fondation Axian no nanome ny internet haingam-pandeha ampiasaina ao.

Notsipihan'ny Ambasadaoro Amerikana Pierangelo ny lanjan'ity American Corner vaovao ity, raha nilaza izy fa "pejy vaovao eo amin'ny fifandraisan'ny Oniversiten' Antananarivo sy ny Masoivoho Amerikana, no nisokatra androany. Fo-

toana izay hafahan'ireo rafitra ireo manana fijery sy fisainana misokatra amin'izao tontolo izao, sy mandray andraikitra eto an-toerana – na ilay hoe "think global, act local" – sady miara-miasa hanome fahafahana hahazo fiofanana avo lenta ho an'ireo mpianatra sy ny mpampianatra ary hanamafy orina ny kalitaon'ny fampianarana eto amin'ity Oniversite sangany eto Madagasikara ity."

Ny American Corner Antananarivo dia iray amin'ireo American Corners telo eto Madagasikara ary tafiditra ao anatin'ny tam-

bazotran'ireo ivon-toerana maherin'ny 700, mitovy aminy maneran-tany, izay tantanan'ny governemanta Amerikana hizarana vaovao azo antoka momba an'ity Etazonia sy izao tontolo izao. Ny American Corner dia manome fahafahana ho an'ny rehetra hamantatra ny kolontsaina Amerikana, sy ireo soatoavina iombonana eo amin'ny Amerikana sy ny Malagasy, hanohy ny fianarany, hanovo ireo fahai-za-manao momba ny teknika sy ny fandrahahana ary hanatsara ny fahaizana teny anglisy. Ny tena goavana amin'ireo tolotra omen'ny American Corner dia ny fanampiana ny tsirairay na vondrona iray handray anjara amin'ny hetsika ampitain-davitra sy afaka atrehina mivantana, momba ireo lohahevitra izay mikasika mivantana ny fiarahamonina sy ny firenena ary izao tontolo izao.

Aly

Baolina kitra sy tokantrano

# Tontosa ny fanambadian'i Rakool Barea Chan sy ny vadiny

Tontolon'ny baolina kitra sy tokantrano, tontosa omaly ny fanambadian'i Rakool Barea Chan na Razafindra-naivo Koloina na i Rakool sy ny vadiny, mpilalaon'ny Barea Chan farany teo, ary anisan'ny nitondra avo ny voninahi-pirenena tany Algeria. Nampakatra an'i Nasandratriaina Mendrika Lavorary izy, vita omaly ny fisoratam-panambadian'izy ireo na ny fanambadiana ara-panjakana sy ny mariaziny. Marihana fa handeha hilalao baolina any Algeria izy, hilalao amin'ny Mouloudia d'Alger, heverina fa hombam-bady Rakool amin'izao handehanan'ny hilalao baolina kitra any amin-dry zao Algeriana izao. Ny gazety Ny Valosoa Vao-vao dia mirary tokantrano sambatra ho an-dRakool mivady.

Lita



Rakool mivady.

Antsohihy

# Lalao « jeux video » niafara tamin'ny korontana sy savorovoro

Niafara tamin'ny korontana sy ny savorovoro ny lalao « jeux video » nataon'ny ankizy tany Antsohihy, renivohitry ny faritra Sofia. Resaka « jeux video », niteraka savorovoro tao Antsohihy. Mpianatra iray no vaky loha voatorabato, iray hafa lasan'ny mpitantandro filaminana. Niara niloka, nilalao "jeux vidéo" izy ireo ary nifanaraka fa omena 1.000 Ar izay mandresy amin'izy roalahy, saingy nandà tsy hanome izany ny iray tamin'izy ireo ary nandrahona ny hanatsatok'antsy ilay mpandresy. Izany no anisan'ny nahatonga ny savorovoro tao amin'ity toeram-pilalaoavana ity.

Stefa



Ny korontana tany Antsohihy.

AFK

# Azo fehezina ny tsy fandriampahalemana

Avela ho potika bebe kokoa noho izao efa misy izao ve ny firenena? Heverina fa samy handà izahy avokoa, amin'ny tsy fihazatongan'izany, ny olom-pirenena izay sarotiny sy saro-piaro amin'ity firenena ity. Tsy ivelan'ny fiaraha-monina akory, fa eny anivon'ny fokontany izay eny ifotony no ipoirany sy itrangan'ny tsy fandriampahalemana eto amintsika. Iaraha-mahalala tsara, fa mirongatra izy io, ary hita ho sahirana ny mpitantandro filaminana amin'ny fifehezana azy. Isehony izany avokoa, ary tsy misy an-kavanaka intsony ankehitriny, manerana ny toerana sy faritra rehetra eto amin'ny Nosy. Lasibatra ny asandahalo na jiolahy mpa-

nendaka na mpamaky trano na asa ratsy rehetra ny ambanivohitra sy antanàn-dehibe. Tsy misy fotoanany intsony fa andro aman'alina. Ary ny loza dia tena efa lasa lavitra tanteraka ny fisehony, fa feno habibiana mihitsy, ary toy ny heverina tsy olona intsony no mahavita izany. Tsy misy izy tsy mikaikaika ny amin'izany ny vahoaka.

Raha ifotorana, manao ahoana ny fanarahamaso ny mponina eny anivon'ny fokontany tsirairay avy? Voaara-maso tsara ve ny olona monina ao ary fantatra mazava izy ireo? Manao ahoana ny fanarahamaso ny olona miditra mpifindra-monina hiorim-ponenana ao anaty fotoana fohy na

haharitra? Ahoana ny amin'ny fampiantranoana vahiny sy ny haharetany mitoetra ao amin'ny hivaninany? Miankina amin'ny fifehezana izany rehetra izany no hampitoetra ny fandriampahalemana eny anivon'ny fokontany tsirairay. Avahana tsara, tsy mitovy amin'ny ambara amin'ny teny vahiny hoe "Etat – policier" no tiana hola-zaina eto, fa tena fandraisana andraikitra feno sy ara-dalana sahanin'ireo tompondraikitra eny amin'ny fokontany. Rehefa milamina ny fitantana ny fokontany amin'izay lafiny izay, voafehy ny tsy fandriampahalemana.

Ny Vovonana Antso Fiarahamonina Kristiana

(AFK), dia manana ny vahaolana amin'izany lalana hifehezana ny fandriampahalemana eny anivon'ny fokontany izany. Eo am-pelatanany ny fitaovana sy fomba hanatanterahana izany. Ho voaara-maso akaiky ny momba ny mponina (ireo mitoetra sy monina, ny mpiavy, ny vahiny mandalo,...). Mila miresaka mivantana amin'ny tompondraikitr'ity vovonana ity ny hahafahana mahafantatra ny antsipiriany amin'izany. Tsihivina, hisy ny varavarana misokatra hotanterahiny ny Alarobia 8 Martsa 2023 izao. Ny laharana azo ifandraisana : 0341746053.

Aris

Ekipan'ny 3Fa Avaradrano

# Nahavita fifampiharabana tratry ny taona

Nahavita fifampiharabana tratry ny taona vaovao 2023, teny amin'ny EPP Ambohitrahaha Avaradrano, tamin'ny ny alahady 05 febroary 2023 lasa teo, ny ekipan'ny 3Fa Avaradrano mpikarakara baolim-pokontany eny amin'ny kianjan'Antanandrano, isaky ny faran'ny herinandro. Ny filohan'ity klioba ity, Rakotonirina Harison Philibert, no nitarika ny lanonana fiaraha-nikorana sy nitorebika ary fiarahana nisakafo izay notronon'ireo mpikambana sy mpilalao maro be ao aminy avy amin'ny sokajy taona rehetra sy ireo klioba mpilalao eny Antanandrano ary ireo namana rehetra tsy mahafoy, sy ireo Ray aman-dRenin'ny mpilalao maro be. Mazava loatra, tsy nisy ny lalao natrehana teny Antanandrano tamin'io andro io, fa hitohy kosa izany amin'ity faran'ny herinandro ity.

Rainilita



Teny amin'ny Epp Ambohitrahaha.

**NY VALOSOA**  
Gazety mischa intelo isan-korindro  
VAOVAO (Telata - Alahamby - Sabotsy)

*Dokam-barotra*

Tel. 034 79 076 00



NY TENY FIAINANA

Fadio ny fanao ratsy rehetra. Ary dia ny Andriamanitry ny fiadanana anie hahamasina anareo samy ho tanteraka, ka aoka harovana avokoa ny fanahinareo sy ny ainareo ary ny tenanareo ho tanteraka, ka tsy hanan-tsiny amin'ny fihavian'i Jesosy Kristy Tompontsika.

I Tesaloniana 5:22-23

TOKINANTENAINA RANDRIATSIFERANA, TSIRY

Tsy mbola ho lasa any Libye

Na dia efa nandeha be aza ny feo, fa ho vidian'ny ekipa iray any Libye, hilalao any amin'izy ireo mandritra ny fotona maharitra ilay mpilalao elatra havian'ny Barea Chra, tokivan'ny naina Randriatsiferana « Tsiry », dia izy tenany mi-hitsy tamin'ny alatsinainy 06 febroary 2023, raha niresadresaka tamin'ny mpanao gazety, no nambara fa efa nifarana ny "mercato" ka tsy ho tanteraka izany faniriana

izany na dia efa nokarakarina any amin'ny ekipan'ny Fosa Junior Fc Mahajanga hilalao any aza ny taratasy momba izany. Mazava loatra fa mbola tafajanao ao amin'ity ekipa hilalaoana ity aloha izany amin'ity taom-pilalaoana ity i Tsiry, ka mbola handray anjara amin'ny fifaninana eto an-toerana "Orange Pro-League 2022-2023".

Rainilita



Tsiry tany Algérie.

Itasy Football

Hitohy ny « Championnat de Football D1 2022-2023 »

Hitohy amin'ny alahady 12 sy alatsinainy 13 febrroary ho avy izao ny fifaninana baolina kitra « Championnat de Football D1 2022-2023 » karakrain'ny Ligin'ny baolina kitra any Itasy fantatra amin'ny hoe : « Itasy Football » taorianan'ny nanemorana azy nandritra ireny andro ratsy ireny. Fandaharan-dalao vondrona andrefana Alahady 12 febroary 2023, Kianja Miarinarivo : 13:00-Antanambao FC# 117 FC VS Jamaica Jfc (lalao miverina) 15:00-Fct Analavory #FCA analavory (lalao miverina) Alatsinainy 13 febroary 2023, Kianja Ampary : 14:00-Fitama # Mada City (lalao miverina) Vondrona atsinanana Alahady 12 febroary 2023, Kianja Arivonimamo : 12:00-Asca Foot # FootAcademy Fenoarivo (lalao mandroso) 14:15-Fmb



Ekipa mpilalao any Itasy.

Brinx # Ojai (lalao miverina) Alahady 12 febroary 2023, Kianja Amboniat-

simo Imerintsiosika : 12:00-Cft Fc # Shalk Fc (lalao mandroso) 14 :15-

Aseffama # Grenade Fc (lalao miverina).

Rainilita

Ekipam-pirenen'i Mayotte basikety

Hanao lalao famerenana amin'ny Cospn sy Gnbc



Nat Mayotte teny amin'ny petit palais Mahamasina.

Amin'ny alatsinainy 13 sy talata 14 febroary 2023 ho avy izao indray, vao hiaka-tsehatra etsy amin'ny kianja "petit palais Mahamasina" ny ekipam-pirenen'ny basikety avy any Mayotte, izay mandranto lalaom-pirahalaliana eto Madagasikara ankehitriny, ho fanomanana ny Lalaon'ny Nosy 2023, ka ny lalao famerenana hifanandrinany amin'ny ekipa Malagasy Cospn sy Gnbc no hatehany amin'izany. Fandaharan-dalao samy hanomboka amin'ny 4 ora hariva : Alatsinainy 13 febroary : Nat Mayotte # Cospn Mad, talata 14 febroary : Gnbc Mad # Nat Mayotte. Marihana fa ho bôjo hatrany ny fidi-rana mijery an'ireo lalao ireo.

Rainilita

Sakafo Ny Valosoa



Tsiasisa sy saosisy indray, no laoka amin'ny sakafo eto amin'ny gazetinao androany. Tsara raha hasiana ro matsatso ananas y angivy miaraka aminy. Dia mazotoa homana tompoko.

NY VALOSOA sy Mahasoa Ny soa azo avy amin'ny tongolobe

Ny soa azo avy amin'ny tongolobe amin'ny vatan'olombelona indray, no Mahasoa eto amin'ny gazetinao androany: - Anti- oxydant, na miaro amin'ny fahanteran'ny sela, - Mampatanjaka ny hery fiarovana, - Miady amin'ny virus sy ny bakteria, - Tsara ho an'ny fo sy ny lalan-drà, - Mampidina tosi-drà, - Miaro ary manala ny zavatra manentsina ny lalan-drà, - Mampihena vatana, manala tavy, - Manampy amin'ny fandevonan-kanina, miaro amin'ny aretim-pivalanana, - tsara hoan aty, - Tsara ho an'ny maso sy ny saina ( fitadidiana), - Mampidina ny tahan'ny siramamy ho an'ny olona dia-betika, - Miady amin'ny homamiadana na cancer, - Tsara ho an'ny volo, mampaniry volo, - Tsara ho an'ny olona manana aretin'ny havokavoka, - Mampatanjaka ny taolana, -Tsara ho an'ny prostate ny lehilahy, mahasalama.



NY VALOSOA sy Mahaliana

Ny tanànan'Antanambaobe, distrikan'i Mananara Avaratra faritra Analanjirofo

Ny tanànan'Antanambaobe distrikan'i Mananara Avaratra faritra Analanjirofo indray, no Mahaliana eto amin'ny gazetinao androany. Renivohitry ny kaominina Antanambaobe ity tanàna ity, iray amin'ireo kaominina miisa 16 mandrafitra ny distrikan'i Mananara Avaratra. Any afovoany atsinanan'ny faritra Analanjirofo no misy azy. Efa azo lazaina ho tsy iva toerana izy, satria 175 m ny haavony mihatra amin'ny ranomasina. Vokatry any ny vaovy, ny kafe, ny jirofo, ny lavanila. Mpiampy akoho amam-borona koa ny mponina any Antanambaobe.

